

Concil. Trident.
sess. vlt.
P. Lomb. lib. 4.
Dist. 45.
Psalter: ad D. Virgi-
nem accommoda-
tum.

V.

Pontificij autem, quia de gratia Dei dubitandum vo-
lunt, non grata tantum celebratione Sanctorum memoriam
venerandam; sed etiam (sicut Disputationis titulus innuit)
à viuis eos inuocandos, eorumq; suffragia, intercessionem, me-
rita, & auxilia imploranda esse, per enormem impietatem do-
cent.

VI.

Istum enim Sanctorum inuocationis cultum multiplicis
impietatis, blasphemiae, & Idololatriae plenissimum, verbo &
voluntati Dei è diametro contrarium, & in eo prohibitum es-
se; Christianis Spiritus S. oraculis edoctis, ex Scriptura S. irre-
fragabiliter demonstrare, difficile haudquaquam fuerit.

VII.

Secundum eam namq; ut vnice; sic rectissime dijudica-
tur & examinatur, examinatumq; vel recipitur vel reproba-
tur, quicquid siue de dogmatibus, siue de cultibus in Ecclesia
Dei disputatur.

VIII.

Quod si verò totam Scripturam Canonicam veteris &
noui Testamenti penitus excusserimus: nullum prorsus, nec
expressum huius Idololatriae cultus, nec implicitum vel man-
datum, vel testimonium, vel exemplum, quod probabili sal-
tem consequentia elici inde posset, nobis sese offert.

IX.

Quicquid itaq; ex fide (verbo Dei, tanquam inconcusso
fundamento, nitente) non est; peccatum esse, nec placere Deo,
cum Apostolis statuimus.

X.

Contrà verò, quod Deus ipse disertè per Moysen præcepit,
Saluator in nouo Testamento repetit, omnibusq; sanctissime
obseruandum proponit, dicens Matth. 4. Dominum Deum
tuum adorabis, & illi SOLI seruias.

Iure

Rom 14. v. vlt.
Hebr. 11. v. 6.

Deuter. 6. v. 13.

Matth. 4. v. 10.